



Synfocity = 347

mail us at : synfo@bsnl.in, synfo@yahoo.com - Phone - 231464829th June, 2011

Health Sunday & Hospital Sunday

July 3 (Pathianni) hi Health Sunday & Hospital Sunday (Damdawi In Pathianni) a ni a. Mizoram Presbyterian Kohhran chuan Hospital Sunday hi kum 1928 atang khan a hmang tan a, kum 1981 atang khan *July Pathianni hmasa ber* hi ni bik atan hman a ni ta a ni.

Kum 1985 Synod Inkhawmpui thu angin 1988 atang khan January Pathianni hnuhnung berah Phâr Pathianni (Leprosy Sunday) hman thin a ni a (Gen. 27). Kum 2004 Synod chuan phâr pual chauh ni lovin natna dangte pawh huamin 'Health Sunday' tiin a thlâk ta a (Gen. 3). Kum 2006 atang khân Health Sunday hi hman tan a ni. Bial KTP Inkhawmpui nen a inruâl chang a awm avângin February Pathianni vawi thumnaah hman thin a ni ta a. Kum 2006 khan *Malaria chungchang* zirho a ni a, kum 2007-ah *Cancer chungchang* zirho a ni leh a, kum 2008-ah *HIV/AIDS chanchin* zir leh in kum 2009-ah *Zuk leh Hmuam* zirho a ni. Nikum (2010) khan *Mimal hriseina* tih zirho a ni leh a, kumin (2011) hian *Hrisel nan ei leh in* tih zirho a ni leh dawn a ni.

Kum 2008 Synod-in Health Sunday leh Hospital Sunday hi Pathianni vawi khatah a ruala hman ni se, tia a rel (Gen. 67) angin kum 2010 atang khan Health Sunday leh Hospital Sunday hi a rualin ni khatah hman tan a ni ta a ni.

Kumin 2011 hian Health Sunday pualin chawhnu hun hman a ni ang a, thilpek lak khawm a ni bawk ang. Thilpek chu Tualchhung Kohhranin damlo tanpui nan tha an tih angin an hmang ang. Zan hun chu Hospital Sunday puala hman a ni thung ang a, thilpek lak khawm a ni bawk ang. Thilpek chu Hospital Charity Fund atan a ni ang.

Kumin Health Sunday & Hospital Sunday atan hetiang hian programme duan a ni:

Chawhnu Inkhâwm

HEALTH SUNDAY PUAL

Thupui : Hrisel nan ei leh in

Chhiartûr : 1 Kor. 10:31; Thuh. 3:13

Zan Inkhâwm

HOSPITAL SUNDAY PUAL

Thupui : Nat tinrenga nâte a tidam

Chhiartûr : Mk. 1:29 - 34

Health Sunday Thuchah leh Hospital Sunday Report & Thuchah hi www.mizoramsynod.org ah tarlan a ni.

Zin

♦ June 28 - July 2 chung hian PCI Working Committee, Shillong a neihah Rev. Zosangliana Colney, Executive Secretary leh Rev. C. Vanlalhrauaia te an kal.

♦ Nimin (June 28) khan Presbyterian Youth Fellowship (PYF) Committee ten meeting an nei a, Mizoram Synod atangin Rev. Dr. K. Lallawmzuala, PYF Leader leh Pu Zohmangaiha, CKTP Committee Member te an tel.

Kohhran dinnghehna pe

Synod Officers' Meeting chuan Kohhran 4 hnenah Kohhran Dinnghehna sum pek a remti a, hetiang hian pek an ni:

Sl.No.	Kohhran	Pastor Bial	Dilchhan	Pek Zat
1.	Kawlkulh Ramthar	Kawlkulh	Biak In sakna	₹ 3,00,000/-
2.	Tlangnuam Vengthar	Kulikawn	Biak In sakna	₹ 3,00,000/-
3.	Hriangtlang	Serchhip	Biak In sakna	₹ 2,00,000/-
4.	Rangmen	Shillong	Biak In sakna	₹ 5,00,000/-
			Grand Total	₹ 13,00,000/-

Kohhran Hmeichhia

July 1 - 3 chung hian Kolasib Diakkawn Kohhranah Leadership Training & Kristian Chhungkaw Campaign neih a ni dawn a, hemi neihpui tur hian Central Kohhran Hmeichhe hruaitu Pi Khawlvuani, Vice Chairman, Pi Hmingkhumi leh Pi C. Lalrotluangi, Committee Members te an kal ang.

National Conference on Integral Mission

June 21 - 24 chung khan Guwahati-ah National Conference on Integral Mission : Rethinking Mission in India Today tih thupui hmangin NCCI & CBCNEI ten an buatsaih a, Rev. Lawmsanga, Aizawl Theological College a tel a ni. He conference-ah hian India ram chungha Kohhran hrang hrang leh Mission Organisation hrang hrang atangin palai 70 zet an tel a ni. Conference-ah hian paper hrang hrang zirho a ni a, tunlai huna Mission rawngbawlna zir zauna neih a ni. Rev. Lawmsanga hian sawm a nih angin kan Kohhran Report a pe a ni.

Kristian Thalai Pawl

♦ July 2 (Inrinni) hian Muallungthu Bial huapin Falkawn Hmar Veng Kohhranah Leadership Training neih a ni dawn a, training neihpui tur hian Central KTP hruaitu Pu Zohmingliana, Asst. Leader leh Upa Lalrinmuana, General Secretary te an kal ang.

♦ July 1 & 2 hian Kolasib Venglai Bial huapin Kolasib Venglai Kohhranah Leadership Training neih a ni dawn a, training neihpui tur hian Central KTP hruaitu T/Upa Dr. C. Zarzoliana, Asst. Secretary leh Tv. V.L. Muanchhana, Committee Member te an kal ang.

♦ June 25 (Inrinni) khan Synod Conference Centre, Mission Vengah 'I Love Taiwan Mission 2011' programme a kal tur Mizoram Synod Choir- te thlahna hun tawite neih a ni.

Taiwan kal tur Synod Choir-te thlahnaah hian Rev. Zosangliana Colney, Executive Secretary-in programme a kaihruai a, fuihna thu a sawi nghal bawk. Pu H. Liantluanga, Synod Choir Director-in report a pe a, tawngtairualna hun hman a ni. Synod Moderator Rev. C. Lalsanglianin zin chhuak turte thlahna thu leh fuihna thu a sawi bawk. Mission Veng Branch KTP ten Synod Choir leh thlahna hun hmanpuitute tan refreshment tuihna tak an lo buatsaih sak bawk a ni. Tum lawk dan chuan June 25 chawhnuah Synod Choir te hi Lengpui atangin Kolkata pan tur an ni a, khua a chhiat avangin flight cancelled a ni a, Bus-in Guwahati an pan ta zawk a ni. June 28 (Thawhlehi) khan Kolkata atangin Taipei an pan a, June 29 (Nilaini) atangin I Love Taiwan programme leh hmun hrang hrangah hun an hmang ang a, July 18 (Thawhtanni) ah Taipei atangin Bangkok an pan leh ang a, July 19 (Thawhlehi) ah Kolkata lo thleng leh in July 21 (Ningani) ah Aizawl lo thleng leh tura beisei an ni.

I Love Taiwan programme hmang tur hian mi 27 an kal a, Mizoram Synod Choir member mi 24 leh CKTP hruaitu mi 3 an tel a ni. He programme atana inbuatsaihnian Synod Choir-te hian June 8 - 14 chung khan Synod Multipurpose Training Centre, Mission Vengthlangah camp an lo nei tawh bawk a ni.

- ❑ **Synod Bookroom**
June 28 & 29 hian Mamit-a Synod Bookroom hmun enfiah turin Upa F. Lalsangliana, General Manager; Pu Lalniliana, Synod Bookroom Manager leh Pu Thangliankhuma, A/E, Synod Office te an kal ang.
- ❑ **Remna Ni**
June 30 (Ningani) hi Remna Ni a nih avangin Synod Office leh Synod Department hrang hrangte an chawl ang. Kumin Remna Ni champha vawi 25-na hi Mizoram Sorkar leh Mizoram Kohhran Hruaitu Committee (MKHC) te tangkawpin Vanapa Hall-ah a lawmna an buatsaih dawn a, programme kimchang a hnuaiah tarlan a ni.
- ❑ **Susamachar Prasaran Programme**
July 3 (Pathianni) tlaiah Hindi Programme (Susamachar Prasaran) LPS & Zonet Cable atangin hetiang hian tih chhuah a ni ang : **Group/Choir/Solo** : Masihi Sangati Bungkawng Vengthar - Aatma Ra Deha, **Group/Choir/Solo** : Chhinga Veng Masihi Sangati Zaipawl - Jana He Kia Isu Ke Pas, **Sermon** : Rev Laltharzuala - Sansar se Prem na karo, **Group/Choir/Solo** : Chalhtlang Kohhran Masihi Sangati, **Group/Choir/Solo** : Venghnuai Pastor Bial - Lhushiya, **Stuti Geet** : Ek Aag Har Dil Me
- ❑ **Moderator Programme**
Synod Moderator Rev. C. Lalsangliana chuan kar tawpah hetiang hian hun a hmang ang :
 - ♦ June 29 (Nilaini) : Central Kohhran Hmeichhe Committee Meeting
 - ♦ June 30 (Ningani) : Remna Ni Lawmna, Vanapa Hall
 - ♦ July 2 (Inrinni) Zan : Jubilee Kohhran
 - ♦ July 3 (Pathianni) Chawhma & Chawhnu : Upper Republic Kohhran
 - ♦ July 3 (Pathianni) Zan : Tuikhuahtlang Kohhran

CANCER NATNA VEITE PUALA TAWNGTAI

Mizoram Cancer Society-in Mizoram Kohhran Hruaitute Committee (MKHC) hnena an ngenna angin, June 22, 2011-a MKHC Committee chuan, MKHC hnuai Kohhran hrang hrang ten July 2, 2011 (Inrinni) zan Kohhran Inkhawmah Cancer natna vei mekte tan tawngtai sakna neih ni se tiin a rel a. He hun pawimawh tak hi lo hmang theuh turin Kohhran tinte ngen leh beisei an ni.

Rev. P.C. Pachhunga,
Secretary
Mizoram Synod

'REMNA NI' CHAMPHA VAWI 25-NA LAWMA PROGRAMME

A hmun : Vanapa Hall, Aizawl

A hun : June 30, 2011 Dar 11:00 A..M.

- | | |
|---|--|
| 1. Chairman | - Rev. C. Lalsangliana, MKHC Chairman |
| 2. Hunserh (7 mins) | - Most Rev. Stephen Rotluanga, Bishop of Aizawl Diocese |
| 3. Zaipawl | - Bawngkawng Pastor Bial Zaipawl |
| 4. Reports | - Rev. R. Lalrinsanga, Secretary MKHC |
| 5. Thusawi (15 mins) | - Pu Zoramthanga, President MNF |
| 6. Zaipawl | - General PYD Choir |
| 7. Thusawi (15 mins) Thupui | - Rev. Dr. K. Thanzauva, President BCM |
| 8. Zaipawl | - 'Remna hi Pathian thil tum a ni' |
| 9. Thusawi (15 mins) | - Diocese Choir, Aizawl |
| 10. Souvenir Hightlight (7mins) | - Pu Lal Thanhawla, Hon'ble Chief Minister |
| 11. Souvenir Release & Speech (15 mins) | - Rev. Vanlazuata |
| | - His Excellency Lt. Gen (Retd) M M Lakhera , PVSM, AVSM, VSM, Governor of Mizoram |
| 12. Refreshment | - |
| 13. Band | - Territorial Staff Band |
| 14. Thusawi (15 mins) Thupui | - Rev. Dr. Lalsawma |
| 15. Zaipawl | - 'Remna siamtute chu an eng a thawl e' |
| 16. Lawmthu sawi tawngtai hona | - Baptist Choir |
| 17. Cultural Items | - Hruaitu : Chairman |
| | - Art & Culture Department |
| | a) Khuallam |
| | b) Solakia |
| | c) Cheraw |
| 18. Vote of thanks | - Major Thanhkira, Personnel Secretary, SA |
| 19. Closing Prayer | - Pastor R. Biakthansanga, President, SDA |

Jointly Organizaed by Govt. of Mizoram and Mizoram Kohhran Hruaitute Committee
Mizoram : Aizawl

